

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CLXXXII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

officium Christiani doctoris pro consueto zælo non intermittet. Ei ex animo precor scelicia omnia. Magister Hekelius ad nos ex Tubinga reversus est, eam potissimum ob causam, quod Theologorum consuetudine familiari illic frui non potuerit. Commendat autem eorum eruditionem, diligentiam, & fidem summam, & video in ea Doctrina, quam abs te & collegis hausit, & à nobis etiam ad probari cognovit, egregie confirmatum. Et spero, egregium Christi organum evasurum, eaque ex causa in meum convictum iterum suscepi. Sebastianus Moy officium sedulo facit, cui junctus est filius Marstalleri, Medici, à quo nuper accepi literas ad te scriptas esse, eæ si in manus meas prius pervenissent, pro facultate mihi ab eodem Marstallero per suas ad me concessa, referassem, quia de Ecclesiarum Saxonicarum statu iisdem significavit, quæ mihi etiam velit esse communia. Vale Basileæ, 25. Martii, 75.

Saluta Collegas, honestiss. conjugem tuam, & L. Erasmus meum amicissimum, amanter meis verbis.

T, d. totus ex animo

Sulcerus.

CLXXXII.

S Literas proximè scriptas dimisi, cum plura scribere constituissem, quia distrahebar negotiis. Nunc ergo ad id, quod rescire cupiebas, respondeo. De Gallica tractatione, ea quo diutius agitatur, eo minus spei de pace obtinenda affulgere videtur. Quia ejusmodi condiciones ab Hugeneris proponuntur & requiruntur, ut nemo concessum iri à Rege existimet. Nam præter religionem, cujus liberam professionem in toto regno requirunt, politica etiam miscent, quæ magis odiosa Regi fore præsumuntur; nec tamen, quæ id fiducia obfirmate adeò urgeant, constare potest, cum nulla aliunde auxilia sperare possint, neque Rex eorum ignoret inopiam; & quam incertus sit baculus Germanicus, in quem subinde respiciunt, ceu in Ægyptiacum quondam Judæi. Non desunt inter ipsos, qui moderatiora consilia proponant, sed metuo, ne locum habeant ullum. Helveticorum ordinum Legati ad Regem pergunt post Quasimodo, ut sympathiam testentur ob defunctum fratrem Carolum & gratulentur ob geminum Regnum. Orationem reliquorum nomine Legatus Tygurinus habebit. Bernensibus, Basiliensibus & Schaffusanis decretum fuerat, Legatos de pace urgenda mittere, & consenserant Tygurini, sed mutato illi consilio in reliquorum ordinum sententiam concesserunt, quo

T t t

nomi-

nomine nostri non leviter perturbantur. Atque hoc minus etiam sperari potest fatalium horum tumultuum sedatio. Advenerunt Legati Aquitani diu expectati. Hispanus ad littora Africæ post expugnatam Goletam à Turca, urbes ad littora maris sitas muris nudat, ne nidificare hostis possit, munit alia aliquot loca, cum primis Insulas. Pecuniam corradit & extorquet ab invitis, quia mosem belli sustinet solus. Posteaquam Turcicus Imperator pacta à patre cum Venetis sancita, & inducias cum Imperatore octennales servare decreverit. Ad scriptum D. Andreæ responsum Tygurinorum videbis, de quo, quæso, tuum perscribas iudicium, inspexi obiter pauca, & miror, non dedisse solidiora; forte quod senecta potissimum autorem gravet, & perturbet affectus. Prodiit aliud Neseckii cujusdam scriptum, hoc multo magis vafrum, ad quod mihi erudite & graviter respondiisse videtur Theologus Montbelgardensis, Efrein, quod tamen nondum in lucem prodiit. Id unum ergo optarim nunc, ut si (quod futurum arbitror,) D. Jacobus Hyperaspisten pareat, moderationem & gravitatem servet Theologo dignam, neque cum ipsis deinceps paria faciat, causæque bonitati adjungat temperamentum, ad ædificationem piarum mentium complurium, quæ moribus offenduntur, futurum. Sed bene vale in Christo. Jhesu cum uxore totaque familia & Symmifitis. Data: Basileæ 17. Martii, Anno 75.

R. d. t. ex animo totus

S. Sulcerus.



CLXXXIII.

S. P.

Quæ postremò ad me scripsisti, Vir Reverende & charissime frater, de controversia vestra, nonnullam sollicitudinem incusserunt. Sed ne sic quidem sperare desino eventum faustum, utcumque cum difficultate obrineatur, quem ut donet Dominus, non desinemus supplicibus votis precari. Res Gallicæ etiamnum incerto in statu pendent. Pergunt ad Regem tredecim ordinum Helveticorum Legati, alii gratulaturi ob novi regni auspicia; alii verò, hoc est, qui Evangelium profitentur, etiam ad pacem hortaturi. Proposita sunt capita ab Hugonotis, quos vocant, & Aquitanis, quibus conantur restringere furores & conatus tyrannicos, ac præter religionis libertatem, politica quàm plurima proponunt, ut, quanquam bello defensus Rex, ad pacem respiceret, cum matre & novè nupta Regina, vix tamen creditur ea concessurus, maximè cum ob securitatem certas easque validas civitates in sua potestate retinere.